

DE
S. I V O N E
PAUPERVM PATRONO
O R A T I O

Habita in eiusdem templo

AD EMINENTISSIMOS
S. R. E. CARDINALES

A GVLIELMO DE RVBEIS

Scm. Rom. Clerico;



Romæ; Typis Ignatij de Lazāris; 1679.

Superiorum permissu.

241 VOME

PLATEAUM TITULI

ORATIO

AD EMINENTISSIMOS

S. R. E. CARDINALES

A GABRIELO DE RIVERA

Scm Rom. Clerico.



Roma, Typis Iustij de Lellis, 1674.

Expositum, 1674.

21m Eminentiss. , & Reuerendiss. Principi

FRANCISCO

BARBERINO

S. R. E. CARD. AMPLISSIMO

GVLIELMVS DE RVBEIS

FELICITATEM



Viculas, aiunt, cum nihil
possent opulentiùs, plu-
mas ad magnificentissi-
mum Delphici Apollinis
Templum; Apes, ceras
vltro detulisse. Prouoca-

uit scilicet vel syluestres feras fabulosa
Numinis humanitas, quæ nec latere po-
tuit in lucis, vmbri ad eius nitorem famu-
lantibus. Parcendum igitur inopiæ largi-
tionis meæ, si ad amplissima tot gloriæ tuæ

A 2 mo

monumenta tam vile fiat brevis Orationis
 additamentum. Ea siquidem tuis visa est
 excubare Conclauibus clemens Benigni-
 tas, facilis Bonitas, liberalis Beneficentia,
 quæ non modo subeuntem non prohibe-
 rent accessu, sed minime audentem inui-
 tarent, fouerent humilem sinu. Atque v-
 tinam mellita saltem, aut acuta illam di-
 cendi ratio commendaret; ne hoc etiam
 Auicularum plumis, ne Apum dulcori in-
 uideret. Verum tota ad obsequium facta,
 pudibunda humi repit, tuam demisse Pur-
 puram lambit; alium in Te iuenisse IVO-
 NEM gaude ns; quem leuata Pauperum i-
 nopia cò liberaliorem prædicat, quò ditio-
 rem. Fruere in AEuum Princeps opulen-
 tia, qua flores, mellificium cæteris elabo-
 rando. Damus nos quoque nostra vicif-
 sim, Amorem nimirum, quem æquissimo
 iure in tuo vindicas censu. Poterunt al-
 lij magnificentius; nos certè nihil possu-
 mus amantius.

ORA;



ORATIO.



Lex legem Iustum iure dixerim,
 (Eminentis. Principes) cui lex
 sine lege Amor est; honestiori
 idcirco Laurea decorandum,
 quod legum omnium imperi-
 tus, hanc vnam vnice dilexe-
 rit Legislatori comparem suo. Hanc si perfecte
 callueris recte agendorum Norma, & spirans
 lex ceteris esto. Vna si absit, reliquas, licet in-
 numeras, enerues voco atque inanimes. Tam
 exiguo ambitu, in immensum protractæ Disci-

A 3 pli.

6
plinæ, nec operoso opere, perutilis summa con-
cluditur, Iusti, atque Iniusti scientia. Huius si
Doctorem ex me queritis, cedo Iurisperitissi-
mum. Longis ne vos morer ambagibus. facio
in IVONE compendium, Exlegem illum tot
inter leges pronuncio, nouam ab Amore Iuris-
prudentiam edoctum, qua breui omnium peri-
tissimus vna constitutus est Lege.

Sileant itaque Labeo, Vlpianus, Paulus;
Scæuola quando Diuinus Amor idem cum lege
est legislator. Audior: Exactissimo compen-
dio, tot inter tricas irresolubili nexu ambiguan-
tem vincientes, vna placet IVONI lex æter-
no Conditori cocœua, quæ tunc intelligitur, cum
diligitur, tunc verè obligat, cum per omnia
circumducitur, tunc compede vincit arctissima,
cum è meticulosis seruis in Filiorum asserit liber-
tatem. Hanc diu, noctuque maditatus adeo di-
lexit, vt pro Cœuicali Sacrorum Bibliorum Vo-
lumen, duro super lapide dormiturus capiti ap-
taret; feliciter eas inter tenebras oculatus, dum
experimento comperit suo, quam verè dictum
Præceptum Domini lucidum, vbi reclusum sibi
Cælum insomnis videre visus est, & vigilem ipsa
reddidit quies. Eadem mirificè institutus, V-
no

noque omnia complexus in verbo, breuissima.
 Epitome compendiarum nobis Viam signauit,
 ad innumeros propemodum flexus intra præscri-
 pti Tramitis fines sine errore percurrentes, quos
 ultra negat citraque Rectum consistere. Desie-
 runt ex illò in prætio haberi vulgata passim Iu-
 risprudentiæ præcepta, quæ totam rectè viuen-
 di rationem absolutissimam faciunt, Neminem
 lædere, Ius suum Cuique tribuere. Doctus
 IVO siquidem ab Amore est illicet ad vltiora,
 mira quadam sublimitate, exiit; Cum illæsum
 quemlibet præter se voluit, sui Corpotis, qua
 protractis ieiunijs, qua Cilicinis vestibibus, qua
 retortis flagris, immanis penè dixerim tortor,
 Cæloque morum conterminæ puritatis. Men-
 tior, nisi in frequentissima Vrbe veluti omni-
 bus debens, nunquam Iuris sui, totum se credi-
 dit alieni; ob hoc ipsum sibi Reus, si in publi-
 cam vtilitatem Innocentiam suam ad minimum
 redderet otiosam. Qui splendor facienti ad A-
 ras, capiti se in radiorum Coronam lunauit, sa-
 tis documento fuit, quo eius mens raperetur ad
 instar fulguris corruscantis. Arcanum procul-
 dubio flammæ illæ loquuta sunt linguæ intimis
 conceptum ignem medullis, quo æstuabat in-

Cæ-

Caelites; quò, quamqui maximè, ad leuandam
 miserorum inopiam ferebatur. Splendidam lau-
 udem reijcio: Assertum probo. Fuerit utcum-
 que Iobus oculus cæco, p̄ses claudò; vsurpabi-
 tur magnificèntius ab IVONE: Os nostrum
 patet ad Vos. Experimento cognoscite: Aio
 per amplum Patrimonium totum distributum in
 Pauperes; erectam domesticam sedem in hospi-
 talem Domum; Inopes contubernales suos;
 Conuiuas quotidie accedentes, dum ipse humi
 decumberet, & se se cibo fraudaret; sordes in-
 pretium datas, quas infimis precibus flagitabat,
 minimum amoris sui argumentum extitisse; si-
 cum longè difficilioris momenti altero conferre-
 tur: pro miseris scilicet Verba date. In senten-
 tiam descendet, qui vel leuiter animaduertat,
 quam raro suppliciter tristis defensorem nancisci
 consueuerit duris vrgens in rebus egestas, opti-
 mo licet iure vallata, vbi pugnandum est aduer-
 sus locupletem Potentiorum manum, aureum
 occultè Arietem impellentem. Orphei nimirum
 suaue canentis lyra, Amphionis melos, ipsemet
 Cælestium Orbium concentus voce pecuniarum
 suffocantur. Quam obrem IVONE delectatos
 crediderim Superos, vt generosis Canibus Re-
 ges,

gēs , prægrandēs Fērās , iugi clamore , adductis
 cruribus , telerrimo cursu , morsuque auidē con-
 sectantibus . Fuit certē Aureum illud os priua-
 torum innocentiae Asilum , Pāupetum , cum ali-
 as , tum in primis contra potentissimorum Ci-
 uium furores vnicū Propugnaculum , Veritatis
 Sacratium , Ara Iustitiæ , vicumque se daret in-
 conspectum strigosa , vilis , obsoleta , nec qua-
 lem Pindarus efformauit aureo vultu , aureis o-
 culis adamanda . Vulgatum restor IVONIS Ti-
 tulum à Pāupertate donatum , ipsis inuidendum
 Regibus , IVO PAVPERVM PATRONVS .
 Quo compendioso Præconio quæ illi sublimior
 ad commendationem danda sit laus ? si , (quod
 & fateti Ethnico Viro placuit) *Deus est mortali
 iuuare mortalem , & hæc ad eternam Gloriam
 via* . Scimus Antiphone neminem vnquam
 melius orauisse Capitis causam , quam cum se ip-
 se defenderet : Demosthenem primū reparandæ
 rei familiaris causa contra Tutores suos perfidos
 oratione iustus dolor armavit : Floruit in foro
 præ cæteris M. Cato maior ; at postquam pro se
 quadragies sexies Reus causam dixit : Metuen-
 dus Oratione Brutus accusator vehemens , violē-
 tus , acer , deprauatæ vitio voluntatis ; Tullius
 ipse

ipse Romanæ Parentis, Eloquætiæ Orator sum-
 mus, Patronus tam felix, quam disertus, qua-
 vnquam orationis parre, aut propriæ non studet
 causæ, priuatam fouens vtilitatem, aut totus in
 vituperatione Inimicorum laudes, ab ipsa dicaci-
 tate non quærit? IVONEM non phalerata Ver-
 borum copia, non violenta Reorum criminatio,
 non popularis aura sectatorum venali plausu ex-
 citata, non legum inuicem pugnantium conci-
 liata dissidia è vulgi eximit cœtu spectandum,;
 suspicendum ad Aras; sed vna ad Cælum efferet
 Paupertas, suis erecta fœdibus, antea ad eius
 pedes prouoluta, Vnus Legislator Amor com-
 mendat, & Laurea vult exornatum nouæ Iuris-
 prudentiæ Magistrum, qua primo velut intuitu,
 iusta ab iniustis secernens; tam feliciter agenda
 intellexit, quam peragendo dilexit, æquè Deo
 coniunctus, ac à semetipso alienus, tam sibi infe-
 stus, quam cæteris salutaris, lex idem omnibus
 factus in Terris præter leges hominum viuendi,
 breuique compendio studiosis perutilissimæ ar-
 tis discendorum, agendorumque Ducem relin-
 quens solam, priuam, diuinam, eandem-
 que exlegem penitus Æterni Conditoris sui
 Charitatem.